

KERATAN AKHBAR



SURAT KHABAR	:	BERITA HARIAN		
TARIKH	:	6/11/2019	MUKA SURAT	: 38
JABATAN	:	BMG / JMG		
KLASIFIKASI	:	PERHATIAN		

Laluan ke hotel, pangsapuri servis terputus namun tiada kemalangan jiwa dilaporkan


Oleh Nor Azizah Mokhtar
bhnews@bh.com.my

Kuala Lumpur: Hujan lebat lebih dua jam, petang semalam menyebabkan berlaku insiden tanah runtuh di Jalan Ion Delemen, Genting Highlands, Bentong dekat sini, petang semalam.

Hujan lebat bermula kira-kira jam 2 petang mengakibatkan laluan menuju ke sebuah hotel dan pangsapuri servis di situ terputus apabila tanah yang runtuh menutupi sebahagian laluan di kawasan itu.

Susunan kejadian itu, pekerja serta penghuni hotel dan pangsapuri servis di kawasan itu terkandas, sama ada menuju ke pusat peranginan Genting Highlands atau laluan sebaliknya.

Ketua Balai Bomba dan Penyelamat Genting Highlands, Penolong Kanan Penguasa Bomba Yusry Abdullah Sani yang dihubungi BH memaklumkan, beliau bersama lapan anggota dan tiga



Tanah runtuh di Genting Highlands menyebabkan kakitangan dan penghuni sebuah hotel serta pangsapuri servis terkandas.

jentera bergegas ke lokasi sebak menerima laporan kejadian pada jam 5.40 petang.

"Kita dapati berlaku kejadian tanah runtuh berhampiran Jalan Genting ke Amber Court yang mana tanah runtuh menutupi keseluruhan laluan berkenaan, namun ia tidak memabatkan laluan utama ke pusat peranginan Genting Highlands.


"Setakat jam 7 malam tadi (semalam), kerja pembersihan jalan dan melencongkan laluan sedang dijalankan pihak kontraktor," katanya yang turut memberitahu

runtuhan kecil masih berlaku.

Sementara itu, Ketua Polis Daerah Bentong, Superintendan Yusuf Uns ketika dihubungi BH, malam tadi mengesahkan kejadian, namun keadaan dilaporkan tidak serius.

"Tada kemalangan jiwa atau kerosakan harta benda dilaporkan dan pihak polis, bomba dan Majlis Daerah Bentong menjalankan pemantauan di lokasi.

"Keadaan terkawal namun laluan di situ ditutup sementara bagi membolehkan kerja pembersihan dijalankan," katanya.



Jalan Amber Court Genting Highlands dititupi tanah runtuh akibat hujan lebat lebih dua jam. (Foto Ihsan Bomba)